



МОЛИТВОСЛОВ ПРАВОСЛАВНОГО ВОИНА



Издательство
Московской Патриархии
Русской Православной Церкви
Москва 2015

УДК 264–1
ББК 86–372
М75

Рекомендовано
к публикации Издательским Советом
Русской Православной Церкви
ИС Р15-422-1912

Молитвослов православного воина. — М.: Издательство Московской Патриархии Русской Православной Церкви, 2015. — 128 с.

ISBN 978-5-88017-175-0

© Издательство Московской Патриархии Русской Православной Церкви, 2015

МОЛИТВЫ ПЕРЕД СРАЖЕНИЕМ

Тропарь Кресту*
(молитва за Отечество),
глас 1-й

Спаси́, Го́споди, лю́ди Твоя́ и
благосло́ви́ досто́яние Твое́, победы́
на сопроти́вныя да́руя и Твое́ сохра-
ня́я Кресто́м Твои́м жи́тельство.

Кондак Кресту,
глас 4-й

Вознеси́йся на Кре́ст во́лею,
тезоимени́тому Твоему́ но́вому
жи́тельству щедро́ты Твоя́ да́руй,

* Тексты молитв приводятся на принятом в богослужении Русской Православной Церкви церковнославянском языке. Тропари, кондаки, ирмосы, седальны поются на соответствующую мелодию (глас), но можно и просто читать их.

Христѣ Бѣже; возвесели нас силою Твоею, победы дая нам на супостаты, посѣбие имущим Твое, оружье мира, непобедимую победу.

Тропари,
глас 6-й

Господи Сил, с нами буди: инобо, разве Тебѣ, Помощника в скорбех не имамы. Господи Сил, помилуй нас.

Всесвятая Богородице, во время живота моего не остави мене, человеческому предстательству не вери мя, но Сама заступи и помилуй мя.

Все упование мое на Тя возлагаю, Мати Божия, сохрани мя под кровом Твоим.

Кондак Пресвятой Богородице,
глас 8-й

Взбранной Воеводе победительная, яко избавльшися от злых,

благодарственная воспоем Ти, раби Твои, Богородице, но яко имущая державу непобедимую, от всяких нас бед свободи, да зовем Ти: радуйся, Невесто Неневестная.

Молитвы ко Господу

Спасителю мой! Ты положил еси душу Свою, во еже спасти нас, Ты заповедал еси и нам полагати души своя за други и за ближних наших. Темже радостно иду аз исполнити святую волю Твою и положить жизнь свою за Отечество. Вооружи мя крепостию и мужеством на одоление врагов, даруй ми веру твердую и упование, яко не умру, но живу буду во Царствии Твоем. Аминь.

Господи Бже наш, послушавый Моисея, простерша к Тебѣ руке, и люди Израилевы укрепивый на

Амалика, ополчивый Иисуса Навина на брань и повелевый солнцу стати: Ты и ныне, Владыко Господи, услыши нас, молящихся Тебе. Укрепи силою Твоею страну нашу и воинство ея, брани умири и мир утверди. Посли, Господи, невидимо десницу Твою, рабы Твоя заступающую во всех; а имже судил еси положить на брани души своя за веру и Отечество, прости согрешения их и в день праведнаго воздаяния Твоего воздай венцы нетления: яко Твоя держава, Царство и сила, от Тебе помощь вси приемлем, на Тя уповаем, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

ВО ВРЕМЯ БЕДСТВИЯ И ПРИ НАПАДЕНИИ ВРАГОВ

Тропарь,

глас 4-й

Скоро предвари, прежде даже не поработимся врагом, хулящим Тя и претящим нам, Христэ Боже наш: погуби Крестом Твоим борющия нас, да уразумеют, како может православных вера, молитвами Богородицы, Едине Человеколюбче.

Кондак,

глас 8-й

Возбранный Воевода и Господи, ада Победителю! Яко избавлься от вечныя смерти, похвальная восписую Ти, создание и раб Твой; но яко имеяй милосердие неизреченное, от всяких мя бед свободи,

зову́ща: Иису́се, Сы́не Бо́жий, помилуй мя.

Псалом 90-й

Живы́й в по́мощи Вы́шняго, в кро́ве Бо́га Небе́снаго водворит́ся. Рече́т Го́сподеви: Засту́пник мой еси́ и Прибе́жище моё, Бог мой, и упова́ю на Него́. Я́ко Той изба́вит тя от се́ти ловчи и от словесе́ мяте́жна, плещма́ Сво́йма осенит́ тя, и под криле́ его́ наде́еши́ся: ору́жием обы́дет тя и́стина Его́. Не убой́ши́ся от стра́ха но́щнаго, от стрелы́ летя́щая во дни, от ве́щи во тьме преходя́щая, от сря́ща и бе́са полу́деннаго. Падёт от страны́ твоея́ ты́сяща и тьма одесну́ю тебе́, к тебе́ же не прибли́жится, оба́че очы́ма тво́йма смóтриши, и воздая́ние грешни́ков у́зриши. Я́ко Ты, Го́споди, упова́ние моё, Вы́шняго положи́л еси́ прибе́жище твоё. Не при́дет к тебе́

зло, и ра́на не прибли́жится теле́си твоemú, я́ко А́нгелом Сво́йм запове́сть о тебе́ сохра́нити́ ты во всех путе́х твои́х. На рука́х во́змут ты, да не когда́ преткне́ши о ка́мень но́гу твою́, на а́спида и васили́ска насту́пиши и попере́ши льва и зми́я. Я́ко на Мя упова́, и изба́влю и́: покрью́ и́, я́ко позна́ и́мя Моё. Воззове́т ко Мне, и услы́шу его́: с ним есмь в ско́рби, изму́ его́, и просла́влю его́, долгото́ю дней испо́лню его́, и явлю́ ему́ спасе́ние Моё.

Молитва Кресту Господню

Да воскресе́нет Бог, и расточа́тся вразы́ Его́, и да бежа́т от лица́ Его́ ненави́дящие Его́. Я́ко исче́зает дым, да исче́знут; я́ко та́ет воск от лица́ огня́, та́ко да поги́бнут бе́си от лица́ любя́щих Бо́га и зна́менующихся крестным зна́мением и в весе́лии

глаголющих: радуйся, Пречестный и Животворящий Кресте Господень, прогоняяй бесы силою на тебе пропятаго Господа нашего Иисуса Христа, во ад сшедшаго и поправшаго силу диаволу, и даровавшаго нам тебе, Крест Свой Честный, на прогнание всякаго супостата. О Пречестный и Животворящий Кресте Господень! Помогай ми со Святою Госпожею Девею Богородицею и со всеми святыми во веки. Аминь.

Стихиры Кресту Господню

Иже Крестом ограждаеми, врагу противляемя, не боящяся того коварства, ни ловительства; яко бо гордый упразднися, и поправан бысть на Древе силою распятаго Христа.

Крест Твой, Господи, освятися, тем бо бывають исцеления немощ-

ствующим грехми; сего ради Тебе припадаем, помилуй нас.

Господи, оружие на диавола Крест Твой дал еси нам, трепещет бо и трясется, не терпя взирати на силу Его, яко мертвыя возставляет, и смерть упраздни; сего ради поклоняемся погребению Твоему и востанию.

О НЕНАВИДЯЩИХ И ОБИДЯЩИХ НАС

Тропарь,

глас 4-й

О распенших Тя моливыйся, любодушне Господи, и рабом Твоим о вразех молитися повелевый, ненавидящих и обидящих нас прости, и от всякаго зла и лукавства к братолюбному и добродетельному

наста́ви жи́тельству, смире́нно
мольбу́ Тебе́ прино́сим; да в согласо́н-
ном единомы́слии сла́вим Тя, Еди́-
наго Человеколю́бца.

Кондак,

глас 5-й

Якоже перво́мученик Твой Сте-
фа́н о убива́ющих его́ моля́ше Тя,
Го́споди, и мы припа́дающе мо́лим:
ненави́дящих всех и оби́дящих нас
прости́, во е́же ни еди́ному от них
нас ра́ди поги́бнути, но всем спа-
сти́ся благода́тию Твоею́, Бо́же Все-
ще́дрый.

**Молитва, умиревающая
во вражде сущих**

Благодаримъ Тя, Влады́ко Че-
ловеколю́бче, Царя́ веко́в и Пода́-
теля благихъ, разруши́вшего враж-
ды́ средосте́ние и мир пода́вшего
ро́ду челове́ческому, дарова́вшего

и ны́не мир рабо́м Твои́м: вкорени́
в них страх Твой и друг ко дру́гу лю-
бо́вь утверди́, угаси́ всякую рас́плю,
отыми́ вся разногласи́я и собла́зны.
Яко Ты еси́ мир наш, и Тебе́ сла́ву
возсыла́ем, Отцу́ и Сы́ну и Свято́му
Ду́ху, ны́не и при́сно и во ве́ки веко́в.
Ами́нь.

МОЛИТВА

великомученика Феодора

Стратилата

Го́споди Бо́же Всесильный, всех
упова́ющих на ми́лость Твою́ не ос-
тавля́яй, но защища́яй их! Буди́ мне
ми́лостив и соблюди́ мя от преле́с-
ти вра́жия Твои́м защище́нием, да
не паду́ пред сопроти́вники мои́ми
и да не пора́дуется враг мой о мне.
Предста́ни мне, Спаси́телю мой,
в по́двизе сем за́ имя Твое́ свято́е. Ты
мя укрепи́ и утверди́ и пода́ждь си́лу

ста́ти му́жественно за Тя до кро́-
ве и положи́ти ду́шу мою́ по любви́
к Тебе́, я́коже и Ты, возлюб́ив нас,
положи́л еси́ на Кресте́ ду́шу Свою́
за ны. Ами́нь.

МОЛИТВА

мученика Евтропия Воина в ранах и страданиях

Бо́же Вседержи́телю, Благо́й и
Ми́лостивый, Помо́щниче во у́зах
и Подáтелю му́жественнаго терпе́-
ния в му́ках! Даждь нам терпе́ние
в ра́нах сих и прииди́ на по́мощь
к нам, я́коже к рабу́ Твоему́ му́че-
нику Феодо́ру пришёл еси́ и помо́гл
ему́, и всеси́льною Твоею́ по́мощию
яви́ всем, я́ко мы вои́стину Тя еди́-
наго има́мы Го́спода Спа́са и Тебе́
Еди́ному поклоня́емся, сла́вяще Тя
со Отце́м и Святы́м Ду́хом во ве́ки.
Ами́нь.

МОЛИТВЫ СВЯТЫМ

Архистратигу Божию Михаилу

Святы́й и вели́кий Архистрати́-
же Бо́жий Михаи́ле, низпрове́ргий
с Небесе́ диáвола и во́инство его́!
К тебе́ прибега́ем с ве́рою и тебе́ мо́-
лимся с любóвию, бу́ди щит несо-
круши́м и забра́ло твёрдо Святе́й
Це́ркви и правосла́вному Оте́чест-
ву на́шему, огражда́я их молниенос-
ным мече́м твои́м от всех враг ви́-
димых и невидимых. Бу́ди А́нгел
Храни́тель, премудр советода́тель
и споспéшник предводителем на́-
шим. Бу́ди вождь непобеди́м хрис-
толюб́ивому во́инству на́шему, вен-
ча́я его́ сла́вою и побе́дами над
супоста́ты, да позна́ют вси, про-
тивля́ющиеся нам, я́ко с на́ми Бог
и святы́и А́нгели Его́. Ами́нь.

Мученику Иоанну Воину

О великий Христов мучениче Иоанне, правоверных поборниче, врагов прогонителю, христолюбиваго воинства покровителю и обидимых заступниче! Услыши нас, в бедах и скорбех молящихся тебе, яко дана ти бысть благодать от Бога печальныя утешати, немощным помогати, неповинныя от напрасныя смерти избавляти и за всех зле страждущих молитися. Буди убо и нам поборник крепок на вся видимыя и невидимыя враги наша, яко да твоєю помощию и поборством по нас посрамятся вси являющии нам злая. Умоли Господа нашего, да сподобит ны, грешныя и недостойныя рабы Своя, получитьи от Него неизреченная благая, яже уготова любящим Его, в Троице Святей славимаго Бога, всегда, ныне и присно и во веки веков. Аминь.

Великомученику Георгию Победоносцу

О всехвальный, святыи великомучениче и чудотворче Георгие! Умоли Человеколюбца Бога, скорый помощниче всех призывающих тя, да не осудит нас, грешных, по беззаконию нашему, но да сотворит с нами по велицей Своей милости и подаст православному Отечеству нашему и всему боголюбивому воинству на супостаты одоление; да укрепит государство Российское непременяемым миром и благоволением; изряднее же да оградит нас святых Ангел Своих ополчением, во еже избавитися нам, по исходе нашем из жития сего, от козней лукаваго и тяжких воздушных мытарств его и неосужденным предстати Престолу Господа славы. Аминь.

**Благоверным князьям
страстотерпцам Борису и Глебу**

О двоице священная, святіи страстотерпцы Борісе и Глебе, от юности Христу верою чистою и любовию послужившии, и кровью своими, яко багрянницею, украсившиися, и ныне со Христом царствующи! Будьте нам теплии заступницы, оградите всех нас от всякия скорби, озлобления и внезапныя смерти. Молим вас, христолюбивии страстотерпцы, споспешествуйте державе Россійстей в победе на сопротивныя, якоже некогда благоверному князю Александру Невскому, да несут россійстии вои ни страх врагом и мир земли нашей, да тихое житие поживут людие во всяком благочестии и прославляют Бога, Отца и Сына и Святаго Духа. Аминь.

**Благоверному князю
Александру Невскому**

Скорый помощниче всех усердно к тебе прибегающих, и теплый наш пред Господем предстателю, святый благоверный великий княже Александре! Призри милостивно на ны недостойныя, из глубины сердца к тебе зывающия: ты в жити твоем ревнитель и защитник православныя веры был еси, и нас в ней теплыми твоими к Богу молитвами непоколебимы утверди. Ты великое возложенное на тя служение тщательно проходил еси, и нас твоею помощию, пребывать коегождо в неже призван есть, настави. Ты, победив полки супостатов, от пределов Россійских отгнал еси, и на нас ополчающихся всех видимых и невидимых врагов низложи. Ты, оставив тленный венец

царства земнаго, избрал еси безмольное житие, и ныне праведно венцем нетленным увенчанный, на Небесех царствуеши, исходатайствуй и нам, смиренно молим тя, житие тихое и безмятежное и к вечному Царствию шествие неуклонное. Предстоя же со всеми святыми Престолу Божию, молися о всех православных христианах, да сохранит их Господь Бог Своєю благодатию в мире, здравии, долгоденствии и всяком благополучии в должайшая лета, да присно славим Бога во Святей Троице, Отца и Сына и Святаго Духа. Аминь.

**Благоверному князю
Димитрию Донскому**

О святой благоверный великий княже Димитрие! Аще и не мнози быша дние земнаго жития твое-

го, обаче велик жребий приыл еси от Содетеля всех Господа, еже прославится в земли Российской и блаженство вечное на Небесех получитьи. Услыши нас, молитвеннике теплый, предстателю наш пред Господом неусыпный! Во дни мира и в году нестроений не остави нас попечением твоим. Научи ны покорны быти Божественному Промыслению, вся в житий нашем ко благу направляющему. Отечество наше молитвами твоими от наших вражиих, раздоров и нестроений защити и укрепи теплым твоим предстательством, да знаменается на нас свет Лица Божия, и тем наставляеми, достигнем Царства Правды Христовы, некончаемаго и вечнаго. Аминь.

Пасхалия на 2011—2016 годы

даты даны по старому и новому стилю

Год	Прошное воскресенье	Вербное воскресенье	ПАСХА	Вознесение Господне	Троица
2011	21 февр. (6 мар.)	4 (17) апр.	11 (24) апр.	20 мая (2 июня)	30 мая (12 июня)
2012	13 (26) февр.	26 мар. (8 апр.)	2 (15) апр.	11 (24) мая	21 мая (3 июня)
2013	4 (17) мар.	15 (28) апр.	22 апр. (5 мая)	31 мая (13 июня)	10 (23) июня
2014	17 февр. (2 мар.)	31 мар. (13 апр.)	7 (20) апр.	16 (29) мая	26 мая (8 июня)
2015	9 (22) февр.	23 мар. (5 апр.)	30 мар. (12 апр.)	8 (21) мая	18 (31) мая
2016	29 февр. (13 мар.)	11 (24) апр.	18 апр. (1 мая)	27 мая (9 июня)	6 (19) июня

СОДЕРЖАНИЕ

Молитвы перед сражением	3
Тропарь Кресту	3
Кондак Кресту	3
Кондак Пресвятой Богородице (<i>«Взбрáнной Воеводе...»</i>)	4
Молитвы ко Господу	5
Во время бедствия и при нападении врагов	7
Псалом 90-й	8
Молитва Кресту Господню (<i>«Да воскреснет Бог...»</i>)	9
О ненавидящих и обидающих нас	11
Молитва, умиряющая во вражде сущих	12
Молитва вмч. Феодора Стратилата	13
Молитва мч. Евтропия Воина в ранах и страданиях	14
Молитвы святым	15
Архистратигу Божию Михаилу	15
Мч. Иоанну Воину	16
Вмч. Георгию Победоносцу	17
Блгв. кн. Борису и Глебу	18
Блгв. кн. Александру Невскому	19

Блгв. кн. Димитрию Донскому	20
Молитвы утренние	22
Молитва Господня («Отче наш...») . . .	23
Символ веры	26
Молитвы на сон грядущим	32
Исповедание грехов повседневное . .	39
Молитвы ко св. Причащению	42
Благодарственные молитвы	
по св. Причащении	47
Тропари праздников	51
Молитвы разные	59
Молитва Иисусова	59
Молитва св. Ефрема Сирина	59
Молитва перед началом всякого дела . .	59
Молитва по окончании дела	60
Молитва перед вкушением пищи . . .	60
Молитва после вкушения пищи . . .	60
О болящих	61
О в темницах и в заточении сущих . .	62
Молитва св. Оптинских старцев . . .	62
Молитвы об усопших	64
О нашей вере	
Святые защитники Отечества	68
Жития святых	73
Заповеди Божии	90
Заповеди Блаженств	97

О молитве	99
О молитве «Отче наш»	101
О Символе веры	104
О богослужении и Таинствах Православной Церкви	109
Таинство Покаяния	111
Таинство Причащения	112
Как готовиться ко св. Причащению . .	113
Дни особого поминовения усопших . . .	117
Краткий словарь	121
Пасхалия на 2011—2016 годы	124

МОЛИТВОСЛОВ ПРАВОСЛАВНОГО ВОИНА

Редакторы-составители

Л. П. Медведева, Т. А. Левшенко,

Е. В. Тростникова

Технический редактор *З. С. Кондрашова*

Корректор *Т. К. Четвергова*

Верстка *М. А. Алимбиев*

Подписано в печать 21.01.2015.

Формат 60 × 90 1/64. Тираж 10 000 экз.

Заказ №

Издательство Московской Патриархии

Русской Православной Церкви

119435, Москва, ул. Погодинская, д. 18

Оптовый отдел реализации:

(499)246-20-85, 246-52-08

Магазин: (499) 245-30-68, 245-73-75

E-mail: books@rop.ru